



MENDIZABAL AGIRRE familia

AUSOI Olaeta auzoko baserria da. Inguruko parajeen artean dauzkagu *Iturrialde, Olarian, Borda aldea, Olako saroi...*

Izena *Ausokoi* Gaztelu azpiko haize-tokitik omen datorkio. *Auso* toponimian agertzen da gehiagotan ere *Ausa-Gaztelu* inguruan. XVIII. mendean ere bada *Ausobi* izeneko gartzainadi baten aipamena.

1905ean ezkondu ziren Migel Antonio Mendizabal Segurakoa eta Nikaxia Agirre Zegamako *Berastegi* baserrikoa. Orduan erosi zuten baserria. Borda zahar bat besterik ez zen garai hartan, eta bizi izateko moduan jarri zuten. Berriz 1990ean egin zuten obra eta dena berritu zuten.

Garai hartan *Ausoi* baserria ez zegoen bizitzeko moduan eta Seguratik Migel Antonio eta bere aita Joxe *Naparra* etorri ziren. Migel Antonio eta Nikaxia ezkondu eta *Ausoin* jarri ziren bizitzen. Joxe *Naparra* (aita), berriz, Maria Nikaxiaren ama alargunarekin elkartu zen eta *Iparren* jarri ziren bizitzen. Hala esan omen zion Don Martin Zaldibiko bikarioak Joxe *Naparrari*: “Edade honekin ezkondu behar al duzu?” Eta honek erantzun omen zion “Oraindik ez tul bat ere ez dut egiten”.

1931n bertako seme Joxe Bernardo Ataungo *Lausbeltzeko* Prontxi Eskisabelekin ezkondu zen. Ezkondu zirenean, artean, aita-amak eta zortzi anaia-arreba bizi ziren etxean.

Auzorako kaminoa 1970ean egin zuten, eta baita etxerainokoa ere. Eskolarainoko bidea oinez egin zuten zuten, ordubetez. Gurasoek ez zuten gogoko

umeak eskolara hain bide luzean bakarrik bidaltzea, eta horregatik batzuk Beasaina eta beste batzuk Atauna ere joaten ziren eskolara. Familien etxeetara joaten ziren egonalditxo bat egitera, handik eskolara errazago joateko.

Baserritik ere atera dute bizimodua. Behiak eta idiak izan dituzte, hamabost buru eta hamarren bat ardi. Artoa eta garia ereiten zuten eta saldu gazta, arrautzak eta babarrunak. Baserriaz gain lan ugari eginda atera zuten bizimodua. Neskak neskame eta bi anaia Fabrika Handian, 1965etik aurrera. Zentraleraino oinez joaten ziren eta gero handik bizikletan.

Baserriaren arrastoa idatzietan

XVIII. mendean *Ausobi* izeneko gartzainadi bat agertzen da. Tolosako Protokoloetan, Francisco Antonio Etxabe eskribau zela, eta Joseph Iztueta, Juan Inazio Iztuetaren aita, herriko diru-zain gisara. Honela dio 1783ko urriaren 20ko idatzi batek: “Obligacion de 100 reales de vellón por el fruto del castaño de medio trozo de *Ausobi* a favor de esta villa”. Eta jarraitzen du “Y es por esta razón de que en pública tercera almoneda verbal dada a los frutos castañosales concejiles de esta mencionada villa pendientes de este año, en cinco del corriente mes, ni en las dos antecedentes, no hubo postor alguno al arrendamiento del castaño de medio trozo de *Ausobi*, sin duda por la penuria que se ha experimentado en el fruto de dicho paraje...”

Pasadizoak

Ganbara hustu

1910az geroztik aitona-amonek bazkaria antolatzen zuten herriko jaietan, Santafetan, festak mondeju zopa eta mondejuak janez ospatzeko, eta **Benta Berritik** gora oinez etortzen ziren. Hirurogeiren bat lagun elkartzen omen ziren urtero. 1985. urtean, berriz, 160 lagun elkartu ziren, eta horiek denak sartzeko, **Ausoiko** ganbara hustu, txukundu eta pareta zaharrak enpapelatu zituzten.

Informazio emailea: Maria Josefa Mendizabal



MENDIZABAL AGIRRE familia
Migel Antonio eta Nikaxia.



MENDIZABAL AGIRRE familia. 1930
Ildefonso, Terexa, Domingo, Patxi, Maria, Felix /
Frantziska, Joxe Bernardo, Migel Antonio (aita),
Nikaxia (ama), Eulali / Bixi, Xebastian eta Estefania.



MENDIZABAL ESKISABEL familia
Ildefonso, Pakita, Joxepa, Antonio, Joanita, Maria Pilar,
Maritxu, Genobeba, Prontxi (ama) eta Joxe Bernardo.



BARANDIARAN MENDIZABAL familia
Egoitz, Joxe Inazio, Jabier /
Joxe Luix (aita), Joxepa (ama) eta Joxe Luix.